

Número de registre 7632

## **CONSELH GENERAU D'ARAN**

*Edicte sus era aprobacion des bases e era convocatòria entath cors escolar 2015/2016 des ajudes de minjador escolar per rasons socioeconomiques a escolans d'ensenhament obligatòri escolarizats en centres publics dera Val d'Aran*

Eth Conselh de Govèrn deth Conselh Generau d'Aran, en session extraordinària de 17 d'agost de 2015, aprovèc iniciauments es bases reguladores dera concession d'ajudes de minjador escolar per rasons socioeconomiques a escolans d'ensenhament obligatòri escolarizats en centres publics dera Val d'Aran atau coma era sua convocatòria entath cors escolar 2015/2016, era quau causa se hè publica pendent eth tèrme de vint (20) dies obrants ar efècte de qu'es persones interessades poguen presentar reclamacions e/o allegacions. Se passat aquest tèrme aquestes non se produsissen, aquestes bases s'enteneràn aprovades definitivament sense besonh d'ulterior acòrd.

Ua referència d'aquest anunci s'a d'inserir en *Diari Oficiau dera Generalitat de Catalunya*.

Vielha, 18 d'agost de 2015

Sindic d'Aran, Carlos Barrera Sánchez

**BASES REGULADORES ENTARA CONCESSION D'AJUDES DE MINJADOR PER RASONS SOCIOECONOMIQUES A ESCOLANS/ES D'ENSENHAMENT OBLIGATÒRI ESCOLARIZATS EN CENTRES PUBLICS DERA VAL D'ARAN E CONVOCATÒRIA ENTATH CORS 2015/2016.**

### 1. Objècte des bases

Er objècte d'aquestes bases ei regular eth marc generau entara concession d'ajudes economiques individuaus de minjador entà qu'es escolans en edat d'escolarizacion des familhas dera Val d'Aran qu'agen dificultats sociaus e economiques poguen gaudir d'ua ajuda que les permete hèr usatge deth servici de minjador deth sòn centre escolar.

### 2. Normes generaus

Era ajuda individuau l'a de sollicitar era familha mejançant eth modèl establìt as efèctes e er autrejament se determine en foncion des règles deth barèm qu'establissen aquestes bases eth quau a en compde era situacion sociau e/o economica dera familha sollicitaira.

Entà poder avalorar era situacion socioeconomica cau presentar era documentacion que se demane en apartat 7.3 d'aquestes bases.

### 3. Beneficiaris

Son beneficiaris es escolans qu'estudien ensenhament infantila e ensenhaments obligatòris enes centres d'ensenhament publics ordinaris deth Departament d'Educacion ena Val d'Aran.

### 4. Requisits o condicions

#### 4.1. Es beneficiaris an de complir es requisits següents:

a) Auer presentat enes tèrmes establìdi, era sollicitud e era documentacion sollicitada. Totes aqueres sollicituds entregades dehòra de tèrme sense causa justificada se consideraràn denegades. Només s'acceptaràn es sollicituts que establís eth punt 10.2 d'aquestes bases.

b) Obtien era puntuacion minima fixada en punt 11 d'aguestes bases que hèn referéncia ara situacion social e economica dera familia.

4.2. Non se poderàn acuelher ad aguesta convocatória es escolans qu'an dret ath servici de minjador de caràcter preceptiu e gratuït pes motius que se regulen en Decrèt 160/1996, de 14 de mai, a on se regule eth servici escolar de minjador des centres escolars publics de titularitat deth Departament d'Educacion (escolans d'educacion especiau desplaçadi obligatòriament deth sòn municipi de residéncia e escolans d'educacion infantila, primària e/o segondaria obligatòris precèptes de transport obligatòri).

4.3. As efèctes d'aguestes bases, s'enten per unitat familiara era integrada peth pare e era mare, o per quinsevolh d'eri, e es sòns hilhs disminuïts e es menors de 18 ans, tostemp que convisquen damb era familia.

Tanben se considèren membres dera unitat familiara eth conjunt o era persona que convisque damb eth pare o mare des hilhs, atau coma es hilhs non comuns disminuïts e es menors de 18 ans, tostemp que convisquen damb era familia. Es majors de 18 ans que en depenen se consideraràn membres dera unitat familiara en tot justificar que en depenen directament d'eri.

An era madeisha consideracion qu'es pares, era persona o persones qu'agen a cargue sòn es alumnes beneficiaris en moment dera finalizacion deth tèrme de presentacion des sollicituds, a condicion qu'aguesti i conviuen e se trapen ath sòn cargue.

En cas de divòrci o separacion legau des pares, non se considerarà membre computable aqueth que non convisque damb eth sollicitant dera beca. A despièch d'açò, aurà era consideracion de membre computable, s'ei eth cas, eth nau consòrt o persona unida per analòga relacion, era renda dera quau s'includirà laguens deth comput dera renda familiara. .

Es familiars dirèctes d'aguest que convisquen damb er alumne se consideraràn d'acòrd damb aquerò establert en paragraf anterior.

Ar efècte dera determinacion dera renda a qué se referissen es paragrafs següenti, se dedusirà eth cinquanta per cent des ingressi aportadi per quaussevolh des membres computables dera família, que non includisquen es sustentadors principaus, ei a díder pairs-sénhers e germans des sollicitants.

#### 4.4. Compatibilitats.

Er ajut serà compatible damb quinsevolh aute ajut que se pogue recéber, pera madeisha finalitat, d'autes entitats o persones públiques o privades. En cap cas er impòrt der ajut concurrent non poirà superar eth còs deth servei de minjador.

#### 5. Impòrt des ajudes e finançament.

Er impòrt dera ajuda individuau que pertòque a cada beneficiari se calcularà aplicant es critèris dera basa 11.1 sus eth prètz deth menú mensuai dera escola, segontes era tarifa qu'apròve en sòn moment eth Conselh Generau d'Aran.

Er autrejament dera ajuda ei limitat ara disponibilitat pressupostària deth Conselh Generau d'Aran ena partida pressupostària 01.231.480.06 deth pressupòst generau vigent dera Corporacion entar exercici 2015.

Es ajudes autrejades corresponentes ath minjador escolar deth Escòla Garona, com que son assumides directaments peth Conselh Generau d'Aran, s'imputaràn ena partida pressupostària 01.326.227.09 deth pressupòst generau vigent dera Corporacion entar exercici 2015.

## 6. Comission Tecnica d'avaloracion

Se cree ua Comission Tecnica d'Avaloracion qu'aurà coma objectiu avalorar totes es peticions e hèr era prepausa d'autrejament des ajudes.

Era Comission Tecnica d'Avaloracion ei compausada per tot er equip tecnic des servicis sociaus d'atencion primària d'Aran, era Coordinacion der Airau Sociau e un representant deth CGA.

## 7. Procediment

7.1. Er equip tecnic des servicis sociaus dera Val d'Aran daràn informacion, facilitaràn es bases e es formularis dera presenta convocatòria a quinsevolha persona que sigue interessada ena ajuda, atau com as diuèrsi centres educatius d'Aran.

7.2. Es familhes e/o usatgèrs interessadi en recéber era ajuda auràn de hèr era sollicitud damb eth formulari normalizat que s'adjunh coma annèx 1, a on constarà era demanda concrèta e se presentarà en Registre des servicis sociaus d'atencion primària.

7.3. Damb era sollicitud auràn de presentar era documentacion següenta:

### A) Documentacion generau.

- a) Formulari de sollicitud dera ajuda de minjador escolar segontes modèl normalizat des Servicis Sociaus deth Conselh Generau (s'adjunh coma annèx 1).
- b) Fotocòpia deth DNI/NIE/passapòrt deth pare/mare, tutor/a o responsabla deth menor e deth beneficiari der ajut.
- c) Fotocòpia deth libre de familha. Se non n'a, calerà presentar fotocòpia deth certificat de neishença.
- d) Certificat de convivència actualizat.
- e) Títol de familia nombrosa o monoparental.

### B) Documentacion economica:

- a) Fotocòpia dera darrèra declaracion presentada der IRPF der an en curs. En cas de que non s'age hèt era declaracion der IRPF, calerà aportar fotocòpia dera documentacion següenta (der an anterior):
  - Certificat des altes e baishes dera Seguretat Sociau.
  - Vida Laborau
  - Acreditacion des periòdes de cotizacion ara seguretat sociau mejançant:

- 1. Certificat d'empresa.
- 2. Fotocòpia des 12 darreres nomines.
- 3. Justificant dera prestacion o subsidi de caumatge o d'IT, a on s'especificue eth període de prestacion.
- 4. Rendes de capitau.

- b) En cas d'èster autònom, model 330
- c) En cas d'èster pensionista, certificat dera pension der an en cors.
- d) Fotocòpia dera cartilha bancària o compde corrent.
- e) Certificat d'imputacions des majors de 18 ans.

En cas qu'era situacion economica varie, per cambis ena situacion laborau o ena situacion familhara, calerà presentar era madeisha documentacion, més der an en cors.

### C) Documentacion especifica:

- a) En cas de separacion matrimonial, fotocòpia deth convèni regulador o dera sentència de separacion.
- b) En cas que bèth membre dera unitat familiara àge reconegut bèth grad de disminucion, fotocòpia deth certificat qu'acredite es circumstàncies psiquiques o fisiques dera malautia o disminucion.

7.4. Un còp recebudes es instàncies, es tecnicos des servicis sociaus d'atencion primària corresponents, damb prealable estudi des besonhs deth cas, redigirà un informe en tot aplicar es barèms d'aguestes bases e le presentarà ara Comission Tecnica d'Avaluacion entà que sigue avalorat e se hèsque era prepausa d'autrejament d'ajuda ath Conselh Govèrn deth Conselh Generau d'Aran que serà er organ encargat dera resolucion d'aguestes ajudes .

#### 8. Condicions der autrejament

Er autrejament dera ajuda ei entà un cors escolar e non se prorògue ne pressupòse er autrejament entàs cors següents. Per tant, la cau sollicitar cada cors escolar.

Se realitzarà ua revision dera ajuda autrejada trimestralment des der inici deth curs escolar entà actualitzar es dades e modificar s'ei de besonh es condicions e resultats der ajut.

Es termes establidi entara presentacion de documentacion actualitzada entà era valoracion de cada trimèstre serà :

- 1èr Trimèstre: Abans deth 1 de seteme de 2015
- 2au trimèstre: Abans deth 15 de deseme de 2015
- 3au Trimèstre: Abans deth 15 de mars de 2016

Toti aqueri casi que non presenten era documentacion a revisar en tèrme establert se valorarà com denegada.

#### 9. Modificacion

9.1. Se pòt modificar era subvencion abans d'acabar eth cors escolar peth quau s'a autrejat era ajuda quan era situacion socioeconomica dera unitat de convivència qu'a justificat er autrejament se modifique.

Es familhes e/o usatgèrs que agen era ajuda aprovada son obligadi a notificar quinsevolh canvi que i age en nucli familiar pendent eth període aprobat dera ajuda.

9.2. S'era modificacion se realize d'ofici per part deth Conselh Generau, abans der acòrd, s'autrejarà ar interessat un tèrme d'audiència entà que pogue hèr es allegacions que creigue oportunes e calerà informe dera Comission Tecnica d'Avaluacion de manèra analòga ara deth procediment entà autrejar es ajudes

#### 10. Tèrme de presentacion de sollicituds dera convocatòria entath cors 2015/2016.

10.1. Eth tèrme de presentacion des sollicituds corresponentes ath cors escolar 2015/2016 serà des dera publicacion d'aguestes bases en BOP de Lleida e ena pagina web deth Conselh Generau d'Aran enquiath 01 de seteme de 2015.

10.2. Sonque s'acceptaràn sollicituds dehòra de tèrme enes casi que i age circumstàncies sobrevengudes o que non s'auessen pogut preveir rasonablament en moment dera sollicitud (per exemple e sense èster limitatiu s'enóncien es següentes: separacions, violència familiara non denunciada, situacions de negligències, nauvenguts e condicionat tostemps ara existència de partida pressupostària.

Eth procediment entar autrejament serà eth madeish qu'eth generau.

10.3. Es sollicituds e era rèsta de documentacion requerida, se presentarà en Registre des Servicis Sociaus deth Conselh Generau d'Aran o pes mieis qu'establís er article 38.4 dera Lei 30/1992, de 26 de noveme, de Regim Juridic des Administracions Publiques e deth Procediment Administratiu Comun laguens deth tèrme establít ena basa 10.1.

11. Barèms socio familhaus e personaus, situacion economica entà determinar era concession d'ajudes individuaus de minjador escolar e calcul dera ajuda

Entar autrejament des ajudes individuaus de minjador se tierà en compde era puntuacion arthenhuda, segontes era situacion economica dera unitat familiara e, quan correspongue, es situacions especificques que pogue acreditar era família e era avaloracion des servicis sociaus.

Es families que solliciten er ajut son obligades a notificar tanben es activitats extraescolars deth son hilh/a, ja que tient en compde era situacion de besonh que actuaument estam viuient, se prioritzarà aqueri casi que eth besonh bàsic deth minjar sigue present. Era pràctica d'activitats extraescolares non se considere un besonh bàsic.

11.1 Situacion economica dera unitat familiara.

Entath calcul dera renda se tierà en compde er índex de renda de suficiència de Catalonha (IRSC) publicat ena Lei 2/2015, d'11 de març, de pressupòsti dera Generalitat de Catalunya entar exercici 2015. Era Lei de pressupòsti dera Generalitat fixe era valor der indicador de renda de suficiència de Catalonha en 7.967,73 èuros anuaus.

Es ingrèssi nets des membres dera unitat familiara s'obtien dera soma de toti es ingrèssi dera madeisha.

Era quantitat dera ajuda individuu serà era que se determine dera suma deths barems deth apart 11.2, segontes eth següent quadre:

10 punts	Ajuda deth 100% deth cost deth servici
9 punts	Ajuda deth 90% deth cost deth servici
8 punts	Ajuda deth 80% deth cost deth servici
7 punts	Ajuda deth 70% deth cost deth servici
6 punts	Ajuda deth 60% deth cost deth servici
5 punts	Ajuda deth 50% deth cost deth servici
4 punts	Ajuda deth 40% deth cost deth servici
3 punts	Ajuda deth 30% deth cost deth servici
2 punts	Ajuda deth 20% deth cost deth servici
mens 2 punts	Se denegarà era ajuda

11.2. Es sollicituds s'avaloraràn en tot aplicar es barèms següents:

#### A. BARÈMS SOCIOFAMILHARS E PERSONAUS

##### A.1 Problematika personau deth mainatge

Mautractaments fisics, psicologics o per desatencion
Signes d'un creishement dolent
Manca d'igièna
Absentisme escolar
Problèmes d'adaptacion e conducta ena escòla
Mainatge damb problèmes de conducta (relacions damb grops de risc)
Menor damb pòga supervision en sòn temps extraescolar
Seguiment deth menor per CSMIJ

Aguest aspècte s'avalorarà per acumulacion de circumstàncies en relacion damb era problematica personau deth mainatge en tot puntuar:

1 criteri evaluat 0 punt  
2 o més criteris evaluats 1 punt

#### A2. Problematica personau deth grop de convivència

Progenitors afectats per bèth tipe de toxicomania o dependència
Progenitors afectats per bèra problematica psicologica; malautia cronica o terminau; disminucion fisica, psiquica, sensoriau qu'afecte ara atencion corrècta deth menor
Absència de bèth progenitor per separacion, institucionalizacion, decès
Progenitors que realizen trebalhs marginaus: prostitucion
Acumulacion de situacions problematiques personaus enes diferents membres dera unitat de convivència; caumatge, administracion deficiente, deutes

Aguest aspècte s'avalorarà per acumulacion de circumstàncies familiars, era puntuacion serà

1 criteri evaluat 0 punt  
2 o més criteris evaluats 1 punt

#### A3. Familia en seguiment d'EAIA

Se valorarà damb 1 punt aquera familia qu'age un seguiment damb er equip d'Infància e Adolescencia.

#### A4. Familia monoparental o nombrosa

Se valorarà damb 1 punt aquera familia que dispose de títol de familia monoparental o nombrosa.

### B. SITUACION ECONOMICA FAMILHARA:

Se compdaràn coma ingrèssi es rendes provenentes de treball e/o prestacions de toti es membres dera unitat de convivència dels darrers 12 mesos a comptar des de la data de la revisió trimestral.

Era renda disponibla mensuai per capita dera unitat familhau se calcularà dera següenta manera:

- $\text{Ingrèssi annaus} / 12 = \text{renda familiara disponibla mensuai}$
- $\text{Renda familiara disponible mensuai} / \text{Nombre de membres dera unitat familhara} = \text{Renda familiara mensuai disponibla per capita}$

L'import establir dera renda familiara mensuai disponibla per capita maxima entath cors escolar 2015-2016 serà de 569.12 €/mensuals + 10%.

Era situacion economica familhara se puntuarà en foncion dera següenta taula, que tostemps se referís ara renda familiara mensuai disponibla per capita.

Renda familiara mensuai disponibla per capita	Puntuacion
Inferior al 20%del IRSC	10 punts
Entre el 21% i el 40% del IRSC	8 punts
Entre el 41% i el 60% del IRSC	6 punts
Entre el 61% i el 80% del IRSC	4 punts
Entre el 81% i el 90% del IRSC	3 punts
Entre 91% i el 100% del IRSC	2 punts
Superior al 100% : resta exclòs l'ajut	Exclòs

## 12. Ajudes excepcionaus.

12.1. Se poderàn autrejjar ajudes excepcionaus quan, en tot auer era puntuacion minima des barèms sociofamilhaus e personaus e, maugrat superar er impòrt maxim establít ena situacion economica familhau, sigue recomanable entath benéster deth menor er us deth servici escolar de minjador. S'acreditarà e se justificarà era situacion dera familia e deth menor des des servicis sociaus d'atencion primària corresponents, en tot auer de besonh er informe concrèt deth tecnic dera zòna avalorat pera Comission tecnica d'avaloracion.

12.2. De manèra excepcionau se poderà aumentar era ajuda quan se donguen es condicions següentes:

Quan obtengue era maxima puntuacion enes aspectes de:

A.4.- Problematica deth Menor

A.5.- Problematica familhau

S'acreditarà e justificarà des des serveis sociaus d'atencion primària corresponents en tot auer de besonh er informe concrèt deth tecnic dera zòna avalorat pera Comission Tecnica d'Avaloracion.

## 13. Nautes e baishes que se poguen produir pendent eth curs escolar.

Per çò que hé as nautes e baishes d'escolans, se seguís eth següent criteri:

- Es escolans que se donguen de baisha deth centre escolar iniciu e que s'escolarizen en un aute centre escolar dera Val d'Aran e fixen era sua abitança en nau municipi, se traspassarà ath nau centre escolar, en tot valorar era naua situacion.
- Es escolans que se donguen de baisha deth centre escolar iniciu e s'escolarizin en un aute centre dehòra dera Val d'Aran pèrden era ajuda.

## 14. Organ resolutori

Eth Conselh de Govèrn deth Conselh Generau d'Aran damb era prepausa dera comision tecnica d'avaloracion des servicis sociaus d'atencion primària, dictarà era resolucio sus er autrejament des ajudes.

## 15. Notificacion

Era resolucio serà notificada as persones interessades atau coma as respectius centres escolars e, ara empresa adjudicatària dera explotacion deth servei de minjador escolar.

## 16. Seguiment des ajudes autrejades.

Es Servicis Sociaus deth Conselh Generau d'Aran realitzaràn eth seguiment dera assisténcia des escolans as quaus se li autregen ajudes de minjador per rasons socioeconomiques.

En cas de non-assisténcia ath minjador escolar d'aguesti escolans, es Servicis Sociaus preneràn es mesures techniques sociaus oportunes.

Es conselhs proporcionaràn un modèl justificant as AMPES o empreses gestores de minjador damb era lista de alumnes becats a on s'anotaràn es incidéncias diàries en quant as abséncies o ara modificacion deth nombre de dies deth servici

## 17. Forma de pagament

Es ajudes se pagaràn de forma mensuai as escoles dera Val d'Aran o as gestors des minjadors escolars corresponents prealbla justificacion per part d'aguesti der usatge deth servici de minjador escolar per part des alumnes qu'agen aquesta ajuda.

En cas des famílies que an es sòns hilhs ena Escòla Garona e per tant eth minjador escolar funcione damb tickets, son obligadi a retornar es tickets que non agen gastat as Tècnics de Servicis Sociaus abans deth dia 29 de cada mes.

18. Tractament des donades.

En aplicacion de çò qu'establís er article 5 dera Lei Organica 15/1999, de 13 de deseme, de proteccion de donades de caractèr personau, cau informar qu'es donades de caractèr personau que s'an de facilitar entà obtier era prestacion d'aguest servici s'includiràn enes sistèmes de tractament de donades deth Conselh Generau d'Aran e auràn coma finalitat era avaloracion der accès as ajudes, e es unics destinataris seràn es organs gestors indicats en aquestes bases.

19. Regim especiau de foncionament des ajudes autrejades enes minjadors escolars gestionadi dirèctament peth Conselh Generau d'Aran.

19. 1. Es escolans qu'estudien en centres enes quaus eth Conselh Generau d'Aran ei eth gestor deth minjador escolar (Escòla Garona), per çò que tanh ath procediment d'autrejament dera ajuda de minjador per besonhs socioeconomics, auràn de seguir eth madeish procediment qu'era rèsta d'escolans cossent damb çò que dispause er art. 7 d'aquestes bases.

19.2. Atau madeish, es barèms socio familhaus e personaus, situacion economica entà determinar era concession d'ajudes individiaus de minjador escolar e eth calcul dera ajuda seràn es que determine eth punt 11 d'aquestes madeishes bases.

19.3. Eth còst d'aquestes ajudes autrejades as escolans qu'estudien Escòla Garona per besonhs socioeconomics, serà assumit dirèctaments peth Conselh Generau d'Aran coma organisme gestor d'aguesti minjadors escolars.

20. Tèrme de resolucion e notificacion.

Eth tèrme maxim entà resólvser serà de tres mesi a compdar dera finalizacion deth tèrme de presentacion de sollicituds. Era manca de resolucion laguens d'aguest tèrme aurà caractèr desestimatori.

21. Fin dera via administrativa.

Er acte de resolucion dera subvencion acabe era via administrativa. Cossent damb çò que dispause er art.116 dera Lei 30/1992, de 26 de noveme, de Regim Juridic des Administracions Publiques e de Procediment Administratiu Comun, se poirà interpausar recors potestatiu de reposicion en tèrme d'un mes a compdar deth següent ath dera recepcion dera notificacion, o ben dirèctament recors contenciós administratiu dauant deth Jutjat Contenciós Administratiu e Lleida.

**SOL·LICITUD D'AJUDES INDIVIDUAUS DE MINJADOR PER BESONHS SOCIOECONOMICS**

Donades dera persona qu'ei titular dera pàtria potestat o tutèla

Cognòms e nòm: \_\_\_\_\_

DNI/NIE/passapòrt: \_\_\_\_\_

Adreça: \_\_\_\_\_

Poblacion \_\_\_\_\_

Còdi postau: \_\_\_\_\_

Telefòns de contacte: \_\_\_\_\_



Donades dera/des persona/es beneficiària/es

Cognòms e nòm	Data de neishement	Cors 2015/2016	Centre escolar

Declarì sus era mia responsabilitat:

Que son cèrtes es donades consignades en aguesta sollicitud e sò coneishedor dera obligacion de comunicar ath Conselh Generau d'Aran quinsevolha variacion que se podesse produir d'ara entà deuant.

Autorizi:

- Ath Conselh Generau d'Aran, entà qu'en cas d'autrejament dera ajuda, l'ingrèsse dirèctament ath gestor deth minjador escolar a on eth beneficiari hè es sòns estudis.
- Ath Conselh Generau d'Aran entà que pogue demanar informacion a d'outes administracion publiques coma Isenda, Tresaureria dera Seguretat Sociau, era OTG, er INEM e quinsevolha auta, entà poder autrejjar era concession d'aguestes ajudes socioeconomiques de minjador escolar.
- Ath Conselh Generau d'Aran a facilitar es donades aportades a quinsevolha auta administracion o organisme a condicion que se requerisque exprèssament entath compliment des sues obligacions especificques.

Solliciti:

A trauès dera signatura dera presenta sollicitud e damb era documentacion requerida entà participar en aguesta convocatòria, que se dongue cors ara mia sollicitud d'ajuda individuau de minjador escolar.

Signatura

Vielha , \_\_ de \_\_\_\_\_ de 20\_\_

Documentacion generau que cau liurar damb era sollicitud:

A. Documentacion generau.

- Formulari de sollicitud dera ajuda de minjador escolar segontes modèl normalizat des Servicis Sociaus deth Conselh Generau (s'adjunh coma annèx 1).
- Fotocòpia deth DNI/NIE/passapòrt deth pare/mare, tutor/a o responsabla deth menor e deth beneficiari der ajut.
- Fotocòpia deth libre de familha. Se non n'a, calerà presentar fotocòpia deth certificat de neishença.
- Certificat de convivència actualizat.
- Títol de familia nombrosa o monoparental.

b. Documentacion economica:

- Fotocòpia dera darrèra declaracion presentada der IRPF der an en curs.
- Fotocòpia de :
  - Certificat des altes e baishes dera Seguretat Sociau.
  - Vida Laborau
  - Acreditacion des periòdes de cotizacion ara seguretat sociau mejançant:
    - Certificat d'empresa.

- Contracte laborau.
- Fotocòpia des 12 darreres nomines.
- Justificant dera prestacion o subsidi de caumatge o d'IT.
- Rendes de capitau.
- En cas d'èster pensionista, certificat dera pension der an en cors.
- Fotocòpia dera cartilha bancària o compde corrent
- Certificat d'imputacions des majors de 18 ans.

En cas qu'era situacion economica vàrie, per cambis ena situacion laborau o ena situacion familhara, calerà presentar era documentacion que acredite aquest canvi.

c. Documentacion especifica:

- En cas de separacion matrimoniau, fotocòpia deth convèni regulador o dera senténcia de separacion.
- En cas que bèth membre dera unitat familhara àge reconegut bèth grad de disminucion, fotocòpia deth certificat qu'acredite es circumstàncies psiquiques o fisiques dera malautia o disminucion.

Cosset damb çò qu'establís era Lei Organica 5/1999, de proteccion de donades de caractèr personau, informam qu'es donades personaus facilitades pes sollicitaires d'aguestes ajudes seran incluides en un fichèr automatizat sus era responsabilitat deth Conselh Generau d'Aran o organismes autonòms, entà poder amiar a tèrme era gestion d'aguestesi ajudes.

Eth titular des donades poderà, en quinsevolh moment, exercir eth dret d'accès, rectificacion, cancellacion e oposicion segontes es tèrmes establidi ena Lei Organica 15/1999, ath responsable deth fichèr, Conselh Generau d'Aran o organismes autonòms, damb domicili en Passeg dera Libertat, 16, 25530 VIELHA

---